

如是等類當知名爲離欲者相

十乘

方

證得阿羅漢果

瑜伽師地論卷第三十三

因三

疫癘下音役驅迫上丘俱反 痘血上魚陵反 灶火
 巨上音皆 音懈房粉劬勞上音糜飯碑反 覆蔽
必上音副下急務紅反創初狀梗澀上古鑑反

輞軟凡上上居昌歲反 麟昌歲垣城圍音鶻余向反
 揣摸莫又忙胡反迄許訖詭躁上冗表反激
 濡上音擊下鑾蹙上音頻下謇澀上居展反
 貪婪下郎許救舍反艱反

瑜伽師地論卷第三十四

獨覺地附

因四

彌勒菩薩說 沙門玄奘奉詔譯
 本地分中聲聞地第十三第四瑜伽處之二

如是已辯往世間道若樂往趣出世間道應當依止四聖諦境漸次生起七種作意所謂最初了相作意最後加行究竟果作意乃至

能正觀察此中且依至數量理如世尊說諸器世間世尊依彼有情世間說如是言苾芻當知我以過人清淨天眼觀諸有情死時生時廣說乃至身壞已後當生善趣天世界中由此法門顯示世尊以淨天眼現見一切有

修瑜伽師於四聖諦略標廣辯增上教法聽聞受持或於作意已善修習或得根本靜慮無色由四種行了苦諦相謂無常行苦行空行無我行由四種行了集諦相謂因行集行起行緣行由四種行了滅諦相謂滅行靜行妙行離行由四種行了道諦相謂道行如行行行出行如是名爲了相作意由十種行觀察苦諦能隨悟入苦諦四行何等爲十一變異行二滅壞行三別離行四法性行五合會行六結縛行七不可愛行八不安隱行九無所得行十不自在行如是十行依證成道理

情世間是無常性又世尊言苾芻當知此器
世間長時安住過是已後漸次乃至七日輪
現如七日經廣說乃至所有大地諸山大海
及蘇迷盧大寶山王乃至梵世諸器世界皆
被焚燒災火滅後灰燼不現乃至餘影亦不
可得由此法門世尊顯示諸器世間是無常

性如是且依至教量理修觀行者淨信增上
作意力故於一切行無常之性獲得決定得
決定已即由如是淨信增上作意力故數數
尋思觀察一切現見不背不由他緣無常之
性云何數數尋思觀察謂先安立內外二事
言內事者謂六處等言外事者有十六種一
者地事謂城邑聚落舍市鄴等二者園事謂
藥草叢林等三者山事謂種種山安布差別
四者水事謂江河陂湖衆流池沼五者作業
事六者庫藏事七者食事八者欣事九者乘
事十者衣事十一者莊嚴具事十二者饌歌
樂事十三者香鬘塗飾事十四者資生具事

因四

二

文

十五者諸光明事十六者男女承奉事如是
名爲十六種事安立如是內外事已復於彼
事現見增上作意力故以變異行尋思觀察
無常之性此中內事有十五種所作變異及
有八種變異因緣云何內事有十五種所作
變異一分位所作變異二顯色所作變異三
形色所作變異四興衰所作變異五支節見
不具所作變異六劬勞所作變異七他所損
害所作變異八寒熱所作變異九威儀所作
變異十觸對所作變異十一雜染所作變異
十二疾病所作變異十三終歿所作變異十
四青瘀等所作變異十五一切不現盡滅所
作變異云何八種變異因緣一積時貯畜二
他所損害三受用鬪損四時節變異五火所
焚燒六水所漂爛七風所鼓燥八異緣會遇
積時貯畜者謂有色諸法雖於好處安置守
護而經久時自然敗壞其色衰損變異可得
他所損害者謂種種色法若爲於他種種捶

打種種損害即便種種形色變異受用麁損者謂各別屬主種種色物受者受用增上力故損滅變異時節變異者謂秋冬時叢林藥草華葉果等萎黃零落於春夏時枝葉華果青翠繁茂火所焚燒者謂大火縱逸焚燒村邑國城王都悉爲灰燼水所漂爛者謂大水因四
三洪漫漂蕩村邑國城王都悉皆淪沒風所鼓燥者謂大風飄扇濕衣濕地稼穡叢林乾曬枯槁異緣會遇者謂緣樂受觸受樂受時遇苦受觸緣苦受觸受苦受時遇樂受觸緣不苦不樂受觸受不苦不樂受時遇樂受觸或苦受觸又有貪者會遇瞋緣貪纏止息發起瞋纏如是有瞋癡若會遇異分煩惱生緣當知亦爾如是眼識正現在前會遇聲香味觸境等餘境餘緣起異分識其餘一切如理應知是名八種變異因緣一切有色及無色法所有變異皆由如是八種因緣除此更無若過若增云何尋思內事分位所作變壞無常之

性謂由觀見或自或他從少年位乃至老位諸行相續前後差別互不相似見是事已便是念如是諸行其性無常何以故此內分位前後變異現可得故云何尋思內事顯色所作變異無常之性謂由觀見或自或他先有妙色肌膚鮮澤後見惡色肌膚枯槁復於後時還見妙色肌膚鮮澤見是事已便作是念如是諸行其性無常何以故此內顯色前後變異現可得故云何尋思內事形色所作變異無常之性謂如說顯色如是形色由肥瘦故應知亦爾云何尋思內事興衰所作變異無常之性謂由觀見或自或他先時眷屬財位或見悉皆興盛後見一切皆悉衰損復於後時還見興盛見是事已便作是念如是諸行其性無常何以故興衰變異現可得故云何尋思內事支節所作變異無常之性謂由觀見或自或他先時支節無有缺減後時觀見支節缺減或王所作或賊所作或人所

作或非人作見是事已便作是念如是諸行
其性無常餘如前說云何尋思內事劬勞所
作變異無常之性謂由觀見或自或他身疲
勞性身疲極性或馳走所作或跳躍所作或
越躡所作或騎騎所作或作種種迅疾身業
復於餘時見彼遠離疲勞疲極見是事已便

因四

四

文侍

作是念如是諸行其性無常餘如前說云何
尋思內事他所損害所作變異無常之性謂
由觀見或自或他他所損害其身變異或由
刀杖鞭革皮繩矛矟等壞或由種種蚊蟲蛇
蠍諸惡毒觸之所損害復於餘時見不變異
見是事已便作是念如是諸行其性無常餘
如前說云何尋思內事寒熱所作變異無常
之性謂由觀見或自或他於正寒時身不舒
泰踴踴戰慄寒凍纏逼希遇溫陽於正熱時
身體舒泰奮身乾語霖霖流汗熱渴纏逼希
遇清涼復至寒時還見如前所說相狀見是
事已便作是念如是諸行其性無常餘如前

說云何尋思內事威儀所作變異無常之性
謂由觀見或自或他行住坐臥隨一威儀或
時爲損或時爲益見是事已便作是念如是
諸行其性無常餘如前說云何尋思內事觸
對所作變異無常之性謂由觸對順樂受觸
領樂觸緣所生樂時自能了別樂受分位如
能了別樂受分位如是了別苦受分位不苦
不樂受分位應知亦爾彼由了別如是諸受
前後變異是新新性非故故性或增或減暫
時而有率爾現前尋即變壞知是事已便作
是念如是諸行其性無常餘如前說云何觀
察內事雜染所作變異無常之性謂能了知
先所生起或有貪心或離貪心或有瞋心或
離瞋心或有癡心或離癡心又能了知隨一
一種諸隨煩惱所染汗心又能了知隨一
種諸隨煩惱不染汗心又能了知彼心相續
由諸煩惱及隨煩惱於前後位趣入變壞不
變壞性見是事已便作是念如是諸行其性

因四

五

文侍

無常何以故心由雜染所作變異現可得故云何觀察內事疾病所作變異無常之性謂由觀見或自或他先無疾病安樂強盛後時觀見或自或他遭重病苦觸對猛利身諸苦受如前廣說復於餘時還見無病安樂強盛見是事已便作是念如是諸行其性無常餘如前說云何觀察內事終歿所作變異無常之性謂由觀見今時存活安住支持復於餘時觀見死沒唯有尸骸空無心識見是事已便作是念如是諸行其性無常餘如前說云何觀察內青瘀等所作變異無常之性謂由觀見死已屍骸或於一時至青瘀位或於一時至膿爛位如是乃至骨鑽之位見是事已便作是念如是諸行其性無常餘如前說云何觀察內事一切不現盡滅所作變壞無常現皆悉敗壞離散磨滅遍一切種眼不復見是事已便作是念如是諸行其性無常何

以故如是色相數數改轉前後變異現可得故如是且由現見增上作意力故十五種行觀察內事種種變異無常之性觀察是已復更觀察十六外事種種變異無常之性云何觀察地事變異無常之性謂由觀見此地方所先未造立道場天寺宅舍市廛城牆等事後見新造善作善飾復於餘時見彼朽故圯坼零落墮毀穿疎火所焚燒水所漂蕩見是事已便作是念如是諸行其性無常何以故如是色相前後轉變現可得故云何觀察園事變異無常之性謂先觀見諸園苑中藥草叢林華果枝葉悉皆茂盛青翠丹暉甚可愛
因四六
樂復於後時見彼枯槁無諸華果柯葉零落火所焚燒水所漂蕩見是事已便作是念如是諸行其性無常餘如前說云何觀察山事變異無常之性謂於一時觀見其山叢林翁鬱聳石巉巖復於一時見彼叢林巉巖聳石形殘隕毀高下參差火所焚燒水所漂蕩見

是事已便作是念如是諸行其性無常餘如前說云何觀察水事變異無常之性謂先一時見諸河瀆池泉井等濤涌溢醴水盈滿後於一時見彼一切枯涸乾竭見是事已便作是念如是諸行其性無常餘如前說云何觀察業事變異無常之性謂先一時見彼種種徇利牧農工巧正論行船等業皆悉興盛復於一時見彼事業皆悉衰損見此事已便作是念如是諸行其性無常餘如前說云何觀察庫藏變異無常之性謂由觀見種種庫藏一時盈滿一時減盡見此事已便作是念如是諸行其性無常餘如前說云何觀察飲食變異無常之性謂由觀見種種飲食一時未辨一時已辨一時入口牙齒咀嚼和雜涎唾細細吞咽一時入腹漸漸消化一時變爲屎尿流出見此事已便作是念如是諸行其性無常餘如前說云何觀察乘事變異無常之性謂於一時見種種乘新妙莊嚴甚可愛

因四

七

樂復於一時見彼朽故離諸嚴飾見此事已便作是念如是諸行其性無常餘如前說云何觀察衣事變異無常之性謂由觀見種種衣服一時新成一時故壞一時鮮潔一時垢膩見此事已便作是念如是諸行其性無常餘如前說云何觀察嚴具變異無常之性謂由觀見諸莊嚴具一時未成一時堅固一時破壞見此事已便作是念如是諸行其性無常餘如前說云何觀察歌舞樂事所有變異無常之性謂由觀見歌舞妓樂現在種種音曲差別異起異謝見此事已便作是念如是諸行其性無常餘如前說云何觀察香鬢塗飾所有變異無常之性謂先觀見種種香鬢鮮芬馥後時見彼萎悴毫爛見此事已便作是念如是諸行其性無常餘如前說云何觀察資具變異無常之性謂觀見彼未造已造成滿破壞前後變異見此事已便作是念如是諸行其性無常餘如前說云

何觀察光明變異無常之性謂由觀見種種明闇生滅變異見此事已便作是念如是諸行其性無常餘如前說云何觀察男女承奉所有變異無常之性謂觀見彼或衰或盛不久堅住見此事已便作是念如是諸行其性無常餘如前說

如是一切外事諸行前之六種是所攝受事後之十種是身資具事以要言之當知其性皆是無常何以故形相轉變現可得故由如是等如前所說諸變異行現見增上作意力故於內外事如其所應以變異行觀察一切是無常性由是因緣於諸變異無常之性現

見不背不由他緣非他所引隨念觀察審諦決定即由如是所說因緣說名現見增上作意即由如是現見增上作意力故觀察變異無常性已彼諸色行雖復現有剎那生滅壞無常而微細故非現所得故依現見增上作意應正比度云何比度謂彼諸行要有刹

因四

八

信

那生滅滅壞方可得有前後變異非如是住得有變異是故諸行必定應有刹那生滅彼衆緣和合有故如是如是諸行得生生已不待滅壞因緣自然滅壞如是所有變異因緣能令諸行轉變生起此是變異生起因緣非是諸行滅壞因緣所以者何由彼諸行與出現見滅壞因緣俱滅壞已後不相似生起可得非彼一切全不生起或有諸行既滅壞已一切生起全不可得如煎水等最後一切皆悉消盡灾火焚燒器皿間已都無灰燼乃至餘影亦不可得彼亦因緣後後展轉漸滅盡故最後一切都無所有不由其火作如是事是故變異由前所說八種因緣令變生起自然滅壞如是比度作意力故由滅壞行於彼諸行剎那生滅滅壞無常而得決定於如是事得決定已復於他非所現見諸行生起應正比度云何比度謂諸有情現有種種差別可得或好形色或惡形色或上族姓或

下族姓或富族姓或貧族姓或大宗葉或小宗葉或長壽命或短壽命言或威肅或不威肅或性利根或性鈍根如是一切有情差別定由作業有其差別方可成立非無作業如有情色類差別定由先世善不善業造作增長種種品類由彼因緣於今自體差別生

因四

九

文

起不應自在變化爲因何以故若說自在變化爲因能生諸行此所生行爲唯用彼自在爲緣爲待餘緣如是自在方能變化若唯用彼自在爲緣是則諸行與彼自在俱應本有何須更生若言先有自在體性然後行生是則諸行不唯自在爲緣生起若言自在隨其所欲功用祈願方能造化是故亦用欲爲因緣非唯自在若爾此欲爲有因耶爲無因耶若言有因即用自在以爲因者此則同前所說過失不應道理若言此欲更有餘因是則如欲功用初願離自在外餘法爲因如是亦應一切諸行皆用餘法以爲其因何須妄計

無用自在

由如是等比度增上作意力故於有他世諸行生起獲得決定如是略由三種增上作意力故尋思觀察內外諸行是無常性謂淨信增上作意力故現見增上作意力故比度增上作意力故於前所舉能隨順修無常五行

已辯變異滅壞二行云何復由別離行故觀無常性謂依內外二種別離應知諸行是無常性依內別離無常性者謂如有一先爲他主非奴非使能自受用能驅役他作諸事業彼於後時退失主性非奴使性轉得他奴及所使性於主性等名爲別離無常之性依外別離無常性者謂現前有資生財寶先未變異未爲別離無常滅壞後時爲盜賊非愛及共財等之所劫奪或由惡作加行失壞或方便求而不能得如是等類應知是名由別離行知無常性云何復由法性行故觀無常性謂即所有變異無常滅壞無常別離無常

於現在世猶未合會於未來世當有法性如是實通達如是諸行於未來世當有法性如是等類名爲通達法性無常云何復由合會行故觀無常性謂即如是變異無常滅壞無常別離無常於現在世合會現前如實通達如是諸行於現在世現前合會如是等類名爲

因四

十

信

通達合會無常彼於如是內外諸行五無常性由五種行如其所應作意修習多修習故獲得決定如是由證成道理及修增上故於無常行得決定已從此無間趣入苦行作是思惟如是諸行皆是無常是無常故決定應是有生法性如是諸行既是生法即有生苦既存生苦當知亦有老病死苦怨憎會苦愛別離苦求不得苦如是且由不可愛行趣入苦行如是復於有漏有取能順樂受一切蘊中由結縛行趣入苦行所以者何以於愛等結處生愛等結於貪等縛處生貪等縛便能招集生老病死愁悲憂苦一切擾惱純大苦

因四

十一

信

蘊如是復於有漏有取順非苦樂一切蘊中由不安隱行趣入苦行所以者何有漏有取順非苦樂一切諸蘊重俱行苦樂種子之所隨逐苦苦壞苦不解脫故一切皆是無常滅法如是行者於能隨順樂受諸行及樂受中由結縛行趣入壞苦於能隨順苦受諸行及苦受中由不可受行趣入苦苦於能隨順不苦不樂受諸行及不苦不樂受中由不安隱行趣入行苦如是由結縛行不可愛行不安隱行增上力故於三受中作如是說諸所有受皆悉是苦如是名爲由無常行作意爲先趣入苦行復作是念我於今者唯有諸根唯存境界唯有從彼所生諸受唯有其心唯有假名我我所法唯有其見唯有假立此中可得除此更無若過若增如是唯有諸蘊可得於諸蘊中無有常恒堅住主宰或說爲我或說有情或復於此說爲生者老者病者及以死者或復說彼能造諸業能受種種果及

異熟由是諸行皆悉是空無有我故如是名爲由無所得行趣入空行復作是念所有諸行與其自相及無常相苦相應彼亦一切從緣生故不得自在不自在故皆非是我如是名爲由不自在行入無我行如是行者以其十行攝於四行復以四行了苦諦相謂無

常行五行所攝一變異行二滅壞行三別離行四法性行五合會行苦行三行所攝一結縛行二不可愛行三不安隱行空行一行攝所謂無所得行無我行一行所攝謂不自在行彼由十行悟入四行復由四行於苦諦相正覺了已次復觀察如是苦諦何因何集何

起何緣由斷彼故苦亦隨斷如是即以集諦四行了集諦相謂了知愛能引苦故說名爲因既引苦已復能招集令其生故說名爲集既生苦已令彼起故說名爲起復於當來諸苦種子能攝受故次第招引諸苦集故說名爲緣復有差別謂了知愛是取因故復能招

集即以其取爲因有故復能生起有爲上首當來生故又能引發以生爲緣老病死等諸苦法故隨其所應當知說名因集起緣復有差別謂正了知煩惱隨眠附屬所依愛隨眠等是當來出後有生因又正了知彼所生纏隨其所應是集起緣謂後有愛能招引故即

是其集此後有愛復能發起喜貪俱行愛此喜貪俱行愛復與多種彼彼喜愛爲緣如是依止愛隨眠等及三種纏能生後有及能發起諸愛差別是故說名因集起緣如是行者由四種行了集諦相於集諦相正覺了已復正覺了如是集諦無餘息滅故名爲滅一切

因四

十二

音

苦諦無餘寂靜故名爲靜即此滅靜是第一故是最勝故是無上故說名爲妙是常住故永出離故說名爲離如是行者由四種行了滅諦相於滅諦相正覺了已復正覺了真對治道於所知境能通尋求義故能實尋求義故由於四門隨轉義故一向能趣涅槃義故

所以說名道如行出如是行者由四種行了道諦相如是名爲於四聖諦自內現觀了相作意彼既如是於其自內現見諸蘊依諸諦理無倒尋思正觀察已復於所餘不同分界不現見蘊比度觀察謂彼所有有爲有漏遍一切處遍一切種於一切時皆有如是法皆墮如是理皆有如是性彼所有滅皆永寂靜常住安樂彼所有道皆能永斷究竟出離當知此中若於現見諸蘊諦智若於所餘不同分界不現見境比度諦智即是能生法智類智種子依處又即如是了相作意當知捨爲聞思間雜若觀行者於諸諦中如是數數正觀察故由十六行於四聖諦證成道理已得決定復於諸諦盡所有性如所有性超過聞思間雜作意一向發起修行勝解此則名爲勝解作意如是作意唯緣諦境一向在定於此修習多修習故於苦集二諦境中得無邊際智由此智故了知無常發起無常無邊際

因此

十三

信

勝解如是了知苦等發起苦無邊際勝解空無我無邊際勝解惡行無邊際勝解往惡趣無邊際勝解興衰無邊際勝解及老病死愁悲憂苦一切擾惱無邊際勝解此中無邊際者謂生死流轉如是諸法無邊無際乃至生死流轉不絕常有如是所說諸法唯有生死無餘息滅此可息滅更無有餘息滅方便即於如是諸有諸趣死生法中以無願行無所依行深厭逆行發起勝解精勤修習勝解作意復於如是諸生增上意樂深心厭怖及於涅槃隨起一行深心願樂彼於長夜其心愛樂世間色聲香味觸等爲諸色香味觸等滋長積集由是因緣雖於涅槃深心願樂而復於彼不能趣入不能澄淨不能安住不可思間雜作意一向發起修行勝解其心退轉於寂靜界未能深心生希仰故有疑惑故其心數數厭離驚怖雖於一切苦集二諦數數深心厭離驚怖及於涅槃數數發起深心願樂然猶未能深心趣入何

以故以彼猶有能障現觀鹿品我慢隨入作意間無間轉作是思惟我於生死曾久流轉我於生死當復流轉我於涅槃當能趣入我爲涅槃修諸善法我能觀苦真實是苦我能觀集真實是集我能觀滅真實是滅我能觀道真實是道我能觀空真實是空我觀無願

真是無願我觀無相真是無相如是諸法是我所有由是因緣雖於涅槃深心願樂然心於彼不能趣入彼既了知如是我慢是障礙已便能速疾以慧通達棄捨任運隨轉作意制伏一切外所知境趣入作意隨作意行專精無間觀察聖諦隨所生趣心謝滅時無間生心作意觀察方便流注無有間斷彼既如是以心緣心專精無替便能令彼隨入作意障礙現觀鹿品我慢無容得生如是勤修瑜伽行者觀心相續展轉別異新新而生或增或減暫時而有率爾現前前後變易是無常性觀心相續入取蘊攝是爲苦性觀心相續

因四

十四

卷六

離第二法是爲空性觀心相續從衆緣生不得自在是無我性如是名爲悟入苦諦

次復觀察此心相續以愛爲因以愛爲集以愛爲起以愛爲緣如是名爲悟入集諦次復觀察此心相續所有擇滅是永滅性是永靜性是永妙性是永離性如是名爲悟入滅諦

次復觀察此心相續究竟對治趣滅之道是真道性是真如性是真行性是真出性如是名爲悟入道諦如是先來未善觀察今善作意方便觀察以微妙慧於四聖諦能正悟入即於此慧現近修習多修習故能緣所緣平等正智得生由此生故斷能斷障礙愛樂涅槃所有鹿品現行我慢又於涅槃深心願樂速能趣入心無退轉離諸怖畏攝受增上意樂適悅如是行者於諸聖諦下忍所攝能緣所緣平等平等智生是名爲煙中忍所攝能緣所緣平等平等智生名諦順忍彼

既如是斷能障礙鹿品我慢及於涅槃攝受增上意樂適悅便能捨離後觀心所有加行住無加行無分別心彼於爾時其心似滅而非實滅似無所緣而非無緣又於爾時其心寂靜雖似遠離而非遠離又於爾時非美睡眠之所覆蓋唯有分明無高無下奢摩他

因四

十五

文

行復有一類闇昧愚癡於美睡眠之所覆蓋其心似滅非實滅中起增上慢謂爲現觀此不如是既得如是趣現觀心不以當入正性離生即於如是寂靜心位最後一念無分別心從此無間於前所觀諸聖諦理起內作意此即名爲世間第一法從此已後出世心生非

世間心此是世間諸行最後界畔邊際是故名爲世間第一法
從此無間於前所觀諸聖諦理起內作意作意無間隨前次第所觀諸諦若是現見若非現見諸聖諦中如其次第有無分別決定智現見智生由此生故三界所繫見道所斷附

屬所依諸煩惱品一切鹿重皆悉永斷此求斷故若先已離欲界貪者彼於今時既入如是諦現觀已得不還果彼與前說離欲者相當知無異然於此中少有差別謂當受化生即於彼處當般涅槃不復還來生此世間若先倍離欲界貪者彼於今時既入如是諦現觀已得一來果苦先未離欲界貪者彼於今時既入如是諦現觀已鹿重永息得預流果由能知智與所知境和合無乖現前觀察故名現觀如刹帝利與刹帝利和合無乖現前觀察名爲現觀婆羅門等當知亦爾此亦成就衆多相狀謂證如是諦現觀故獲得四智謂於一切若行若住諸作意中善推求故得唯法智得非斷智得非常智得緣生行如幻事智若行境界由失念故雖起猛利諸煩惱纏暫作意時速疾除遣又能畢竟不墮惡趣終不故思違越所學乃至傍生亦不害命終不退轉棄捨所學不復能造五無間業定知

苦樂非自所作非他所作非自他作非非自他無因而生終不求請外道爲師亦不於彼起福田想於他沙門婆羅門等終不觀瞻口及顏面唯自見法得法知法證法源底越度疑惑不由他緣於大師教非他所引於諸法中得無所畏終不妄計世瑞吉祥以爲清淨

因四

十六

天

終不更受第八有生具足成就四種證淨如是行者乃至世第一法已前名勝解作意於諸聖諦現觀已後乃至永斷見道所斷一切煩惱名遠離作意

復從此後爲欲進斷修所斷惑如所得道更數修習永斷欲界上品中品諸煩惱已得一

來果如預流果所有諸相今於此中當知亦爾然少差別謂苦行境界於能隨順上品猛利煩惱纏處由失念故暫起微劣諸煩惱續尋能作意速疾除遣唯一度來生此世間便能究竟作苦邊際得不還果及不還相如前已說當知此中由觀察作意於一切修道數

數觀察已斷未斷如所得道而正修習又於此中云何名修自性云何名修業云何名修品類差別謂由定地作意於出世善有爲法修習增長無間所作殷重所作令心相續會彼體性如是名爲修定自性當知修業略有八種一有一類法由修故得二有一類法

由修故習三有一類法由修故淨四有一類法由修故遣五有一類法由修故知六有一類法由修故斷七有一類法由修故證八有一類法由修故遠若先未得殊勝善法修習令得名修故得若先已得令轉現前名修習若先已得未令現前但由修習彼種類

因四

十七

卷

法當令現前令轉清淨鮮白生起名修故淨若有失念染法現行修善法力令不忍受斷除變吐名修故遣若未生起所應斷法修善法力了知如病深心獸壞了知如癱如箭殲礙無常苦空及以無我深心獸壞名修故知如是知已數修習故無間道生斷諸煩惱名

修故斷煩惱斷已證得解脫名修故證如如進趣上地善法如是如是令其下地已斷諸法轉成遠分乃至究竟名修故遠當知是名八種修業應知此修品類差別有十一種一奢摩他修二毗鉢舍那修三世間道修四出世道修五下品道修六中品道修七上品道修八加行道修九無間道修十解脫道修十一勝進道修奢摩他修者謂九種行令心安住如前已說毗鉢舍那修亦如前說出間道修者謂於諸下地見鹿相故於諸上地見靜相故乃至能趣無所有處一切離欲出世道修者謂正思惟苦真是苦集真是集滅真是滅道真是道由正見等無漏聖道乃至能趣非想非非想處一切離欲下品道修者謂由此故能斷最鹿上品煩惱中品道修者謂由此故能斷所有中品煩惱上品道修者謂由此故能斷所有最後所斷下品煩惱加行道修者謂由此故能斷煩惱發起加行無間道

修者謂由此故正斷煩惱解脫道修者謂由此故或斷無間證得解脫勝進道修者謂由此故從是已後修勝善法乃至未起餘地煩惱能治加行或復未起趣究竟位當知是名十一種修品類差別如是於修勤修習者於時時間應正觀察所有煩惱已斷未斷於時時間於可厭法深心厭離於時時間於可欣法深心欣慕如是名爲攝樂作意彼即於此攝樂作意親近修習多修習故有能無餘求斷修道所斷煩惱最後學位喻如金剛三摩地生由此生故便能永斷修道所斷一切煩惱問何因緣故此三摩地名金剛喻答譬如因四十八文

金剛望餘一切末尼真珠瑠璃螺貝璧玉珊瑚等諸珍寶最爲堅固能穿能壞所餘寶物非餘寶物所能穿能壞如是此三摩地於諸有學三摩地中最上最勝最爲堅固能壞一切所有煩惱非上煩惱所能敵伏是故此三摩地名金剛喻從此金剛喻三摩地無間永

害一切煩惱品麤重種子其心於彼究竟解脫證得畢竟種姓清淨於諸煩惱究竟盡中發起盡智由因盡故當來苦果畢竟不生即於此中起無生智彼於爾時成阿羅漢諸漏已盡所作已辦無復所作證得自義盡諸有結已正奉行如來聖教心善解脫已具成就

十無學法謂無學正見正思惟乃至無學正解脫正智於諸住中及作意中能隨已心自在而轉隨所樂住或聖或天或梵住中即能安住隨樂思惟所有正法能引世間或出世間諸善義利即能思惟言聖住者謂空住無願住無相住滅盡定住言天住者謂諸靜慮諸無色住言梵住者謂慈住悲住喜住捨住又於爾時至極究竟畢竟無垢畢竟證得梵行邊際諸開鍵已出深坑已度深塹已能摧伏彼伊師迦是爲真聖摧滅高幢已斷五支成就六支一向守護四所依止最極遠離獨一諦實棄捨希求無濁思惟身行猗息以

因四

十九

侖

善解脫慧善解脫獨一無併正行已立名已親近無上丈夫具足成就六恒住法謂眼見色已無喜無憂安住上捨正念正知如是耳聞聲已鼻艱香已舌嘗味已身覺觸已意了法已無喜無憂安住上捨正念正知彼於爾時領受貪欲無餘永盡領受瞋恚無餘永盡領受愚癡無餘求盡彼貪瞋癡皆永盡故不造諸惡習近諸善其心猶如虛空淨水如妙香檀普爲一切天帝天王恭敬供養住有餘依般涅槃界度生死海已到彼岸亦名住持最後有身先業煩惱所引諸蘊自然滅故餘取無故不相續故於無餘依般涅槃界而般涅槃此中都無般涅槃者如於生死無流轉者唯有衆苦永滅寂靜清涼滅沒唯有此處最爲寂靜所謂棄捨一切所依愛盡離欲永滅涅槃當知此中有如是相阿羅漢苾芻諸漏永盡不能習近五種處所一者不能故思殺害諸衆生命二者不能不與而取三者不

能行非梵行習姪欲法四者不能知而妄語
五來不能貯畜受用諸欲資具如是不能妄
計苦樂自作他作自他俱作非自他作無因
而生又亦不能怖畏一切不應記事又亦不
能於雲雷電霹靂災雹及見種種怖畏事已
深生驚怖當知此中金剛喻定所攝作意名

加行究竟作意最上阿羅漢果所攝作意名
加行究竟果作意由如是等多種作意依出
世道證得究竟

如是一切名聲聞地此是一切正等覺者所
說一切聲聞相應教法根本猶如一切名句
文身是所制造文章呪術異論根本

瑜伽師地論卷第三十四

因四

市鄼連反貯畜昌反虧苦爲
委反萎鳥爲稼穡上音
音頂下乾睞下音
考肌膚二字跳踊條勇逃他
稍下音蹠上巨貞反戰慄下良震震麥木二字

圮拆上御美反贖符反柯歌翁鬱上烏孔反

半末

俞

瑜伽師地論卷第三十五

因五

彌勒菩薩說沙門玄奘奉詔譯

本地分中獨覺地第十四

如是已說聲聞地云何獨覺地當知此地有
五種相一者種姓二者道三者習四者住五
者行

云何獨覺種姓謂由三相應正了知一者本
性獨覺先未證得彼菩提時有薄塵種姓由
此因緣於憤悋處心不愛樂於寂靜處深心
愛樂二者本性獨覺先未證得彼菩提時有
薄悲種姓由是因緣於說正法利有情事心
不愛樂於少思務寂靜住中深心愛樂三者

聳息勇巍巖上助體水上音涸音
牧日咀嚼上才約呂反涎唾上連反芬馥下
萎悴醉反鈍徒困關鍵上俗作伊師迦
此云高聳山也猗於離電蒲角鱗角陳音
喻我慢也